

中邊分別論卷上

竭九

天親菩薩造 陳三藏法師真諦譯

相品第一

恭敬善行子 能造此正論 為我等宣說
今當顯此義

初立論體

相障及眞實 研習對治道 修住而得果
無上乘唯爾

此七義是論所說何者為七一相二障三眞
實四研習對治五修住六得果七無上乘今
依相說此偈言

虛妄分別有 彼處無有二 彼中唯有空
於此亦有彼

此中虛妄分別者謂分別能執所執有者但
有分別彼處者謂虛妄分別無有二者謂能
執所執此二永無彼中者謂分別中唯有空
者謂但此分別離能執所執故唯有空於此
者謂能所空中亦有彼者謂有虛妄分別若

法是處無由此法故是處空其所餘者則名
爲有若如是知即於空相智無顛倒次說偈言
故說一切法 非空非不空 有無及有故
是名中道義

一切法者謂有爲名虛妄分別無爲名空非
空者謂由空由虛妄分別非不空者謂由能
執所執故有者謂虛妄分別有故無者謂能
執所執無故及有者謂於虛妄中有真空故
於真空中亦有虛妄分別故是名中道義者
謂一切法非一向空亦非一向不空如是等
文不違般若波羅蜜等如經說一切法非空
非不空如是已說虛妄分別有相無相竟今
當次說其自體相故說偈言

塵根我及識 本識生似彼 但識無有彼
彼無故識無

似塵者謂本識顯現相似色等似根者謂識
似五根於自他相續中顯現似我者謂意識
與我見無明等相應故似識者謂六種識本

識者謂阿梨耶識生似彼者謂似塵等四物亂識有者謂但有亂識無彼者謂無四物何以故似塵似根非實形識故似我似識顯現不如境故彼無故識無者謂塵既是無識亦是無是識所取四種境界謂塵根我及識所攝實無體相所取既無能取亂識亦復是無

竭九

二

如是說體相已今當顯名義故說偈言

亂識虛妄性 由此義得成 非實有無故滅彼故解脫

亂識虛妄性由此義得成者謂一切世間但唯亂識此亂識云何名虛妄由境不實故由體散亂故非實有者謂顯現似四物四物永無故非實無故者謂非一切永無由亂識生

故云何不許亂識永無故偈言滅彼故解脫

若執永無繫縛解脫皆不成就則起邪見撥淨不淨品如是說虛妄體相已今當次說虛妄攝相若言唯是虛妄云何能攝三性故說偈言

分別及依他 真實唯三性 由塵與亂識及二無故說

分別性者謂是六塵永不可得猶如空花依他性者謂唯亂識有非實故猶如幻物真實性者謂能取所取二無所有真實有無故猶如虛空說虛妄攝相已今當說入虛妄無所

有方便相故說偈言

由依唯識故 境無體義成 以塵無有體本識即不生

一切三界但唯有識依如此義外塵體相決無所有此智得成由所緣境無有體故能緣唯識亦不得生以是方便即得入於能取所

竭九

三

取無所有相偈言

是故識成就 非識爲自性

所識諸塵既無有體是故識性無理得成偈言應知識不識 由是義平等

不識者由自性不成就故非識此法真實無所有性而能顯現似非實塵故說爲識說偈言

入虛妄無所有方便相已今當顯虛妄總相故說偈言

虛妄總類者 三界心心法

虛妄者若約界立謂欲色無色界若約生立謂心及心法是總類相說總相已別相今當說偈言

唯塵智名心 差別名心法

心者但了別塵通相若了塵別相說名爲心法謂受想引行等說總別相已次顯生起相偈言

第一名緣識 第二是用識 於塵受分別
引行謂心法

緣識者謂阿梨耶識餘識生緣故用識者謂因梨耶識於塵中起名爲用識於塵受者謂領塵苦等說名受陰分別者謂選擇塵差別是名想陰引行者能令心捨此取彼謂欲思惟及作意等名爲行陰如是受等名爲心法說生起相已當說虛空染汙相故說偈言

覆藏及安立 將導與攝持 圓滿三分成領觸並牽引 執著及現前 告故惱世間

三種二種難 亦七由虛妄

覆藏者由無明能障如實見故安立者由諸行能安立業熏習於本識中故將導者由本識及意識能令衆生往受生處故攝持者謂

由名色能攝持自體五聚故圓滿者謂由六入能生長故三分成者依根塵識諸觸成故領觸者由樂苦等爲損益故牽引者由貪愛令業能牽後生故執著者由四取能令諸識染著欲等四處隨從得生故現前者由業有謂已作諸業趣向來生爲與果報故苦者由

四

生老死故惱世間者謂三界由無明乃至老死等所逼惱恒受苦難故三種二種難亦七由虛妄者三種難者謂煩惱業生煩惱難者謂無明貪愛取業難者謂行及有生難者謂所餘七分二種難者所謂因果因難者謂煩惱業分果難者謂所餘分七難者謂七種因

一顛倒因謂無明二牽引因謂諸行三將因謂本意二識四攝因謂名色六入五受用因謂觸受六引出因謂愛取有七厭怖因謂生老死由虛妄者如是苦難從虛妄生集虛妄義有九種相所謂有相無相自相攝相入無相方便相差別相衆名相生緣相染相義現

於前說虛妄已當說方便爲顯空義由此相應故說偈言

體相及衆名 真義與分別 成立理應知

略解空如是

云何應知空相偈言

無二有此無 是二名空相 故非有非無

不異亦不一

無二者謂無所取能取有此無者謂但有所取能取無是二名空相者謂無及有無是名空相此顯真空無有二相是法以二無爲性不可說有不可說無云何非有是二無故云何非無是二無有故故偈言非有非無是名

偈九

真空相不異亦不一者與虛妄分別不異相亦不一相若異者謂法性與法異是義不然譬如五陰與無常性及苦性若一者清淨境界智及通相不成就如是道理顯現空與虛妄離一異相是故說不有非不有非一非異相云何衆名應知偈言

如如及實際 無相與真實 法界法身等略說空衆名

云何衆名義應知偈言

非變異不倒 相滅聖境界 聖法 因及依是衆名義次

無異爲義故是故名如如恒如是不捨故無

顛倒爲義故說實際非顛倒種類及境界故相滅爲義故說無相離一切相故無分別聖智境界故第一義智爲體故說真實聖法因爲義故是故說法界聖法依此境生此中因義是界義攝持法爲義故說法身如是空衆名義已顯云何空分別應知偈言

亦染亦清淨 如是空分別

何處位空不淨何處位空淨有垢亦無垢若在此位中與共相應是位處說不淨是諸垢法未得出離不淨若在此位出離諸垢此位處說淨若已與垢相應後時無垢不離變異法故云何不無常爲此問故答偈言

水界全空淨 法界淨如是

客塵故離滅故不是自性變異故復有分別此空有十六一內空二外空三內外空四大空五空空六第一義空七有爲空八無爲空九畢竟空十無前後空十一不捨空十二性空十三相空十四一切法空十五非有空十六非有性空如是略說空應知偈言

食者所食空 身及依處空 能見及如理所求至得空

此中能食空者依內根故說所食空者依外塵故說身者是能食所食依處是重空故說内外空大空者世器遍滿故說名大此空說

增九

六

丑

大空內入身及世器此法是空無分別智能見此空此無分別智空故名空空如道理依第一義相觀此法空是名爲得此菩薩修行空是此法空爲何修行爲至得二善一有爲善二無爲善此空是名有爲無爲空爲常利益他爲一向恒利益他故修此空故說畢竟空爲不捨生死此生死無前後諸衆生不見其空寂然故捨離生死此空是名無前後空爲善無窮盡諸佛入無餘涅槃因此空不捨他利益事是名不捨空爲清淨界性性義者種類義自然得故故立名性此空名性空爲得大相好是大人相及小相爲得此二相修行此空是名相空爲清淨佛法故善薩行彼十力四無畏等諸佛不共法爲清淨令出菩薩修此空是名一切法空如是十四種空已安立應知分別此相是十四中何法名空偈言人法二皆無 此中名爲空 彼無非是無此中有別空

人法二無有是法名空是無有法決定有亦空如上說能食等十四處此二法是名空爲

顯空真實相故是故最後安立二空一非有

空二非有性空立二空何所爲爲離人法增益爲離人法空毀謗如次第如是空分別應知云何空成立義應知偈言

偈九

七

若言不淨者 衆生無解脫 若言無垢者

功用無所施

若諸法空對治未起時爲客塵不染故自然清淨煩惱障無故不因功力一切衆生應得解脫若對治已起自性故不淨爲得解脫修道功用無果報故作如是果故說偈言。

不染非不染 非淨非不淨 心本清淨故煩惱客塵故

云何不染非不染

本心自性清淨故云何不染非不染

淨非不淨煩惱客塵故如是空分別略說已

安立空衆義者應知有二種一爲體相二爲安立何者爲體相爲有相故無有相故是有

相者離有離無相離一離異相安立者衆名等四義應知分別

中邊分別論相品爲解釋偈已究竟

中邊分別論障品第二

遍及一方重 平等及取捨 今說二種障此中遍障者煩惱障及一切智障爲菩薩種性諸人二障圓滿故一方障者煩惱障爲聲

聞性等諸人重障者是前諸人欲等諸行中隨一鹿煩惱平等障者平等諸行中隨行中隨一生死取捨障者菩薩性諸人爲障無住處涅槃故如理相應二種人障已說一菩薩性人二聲聞等性人復有煩惱相九種偈言九結名惑障

九種諸惑結此中說煩惱障此諸煩惱障爲障誰偈言

獸離及除捨 實見及身見

愛欲結者障獸離心心堅礙結者障除捨心因此惑違逆礙境界中不能生捨除心諸餘結者覆障真實見云何起障是諸煩惱次第

愛恚及身見偈言

身見所依法 滅道三寶障 利養恭敬等
輕財知止足

是諸餘煩惱是此五處障我慢結者欲滅離
身見時障對正觀智有異品無異品
我慢數行故此身見不得滅無明結者欲遠

竭九

八

五

離身見依處時爲真實見障因此不得遠離

取陰故見結者欲通達滅諦時爲作障身見

及邊見於滅諦生怖畏故邪見於滅諦起誹
謗故取結者是通達道諦時爲作障依別道
理思擇求得清淨故疑結者欲通達三寶時
爲作障不信受三寶功德故嫉妬結者欲遠

聞灾及少聞 三昧資糧減
如是諸障何者爲善法偈言
善菩提攝取 有智無迷障 迴向不怖嫉
如是善等諸法中何者被障何者爲障應知
自在善等十

竭九

九

此十各三障 十事中應知

離利養恭敬時爲作障不見此過失故慳惜
結者欲行輕財知足時爲作障令貪著財物
等故偈言

善法障復十

復有別障十種善法等處應知何者爲十處
偈言

不行非法所 所行不如理 不生不思量
資糧不具足 性友不相稱 心疲故厭離
修行不相稱 惡怨人共住 麋惑三隨一
般若不成就 自性重煩惱 懶怠與放逸
者有及欲塵 下劣心亦爾 不信無願樂
如言思量義 不敬法重利 於衆生無悲

聞灾及少聞 三昧資糧減
如是諸障何者爲善法偈言
善菩提攝取 有智無迷障 迴向不怖嫉
如是善等諸法中何者被障何者爲障應知
自在善等十

此十各三障 十事中應知

善法有三障一者不修行二非處修行三修
行不如理菩提有三種障一者不生善二不
生正思量三資糧不圓滿攝取菩提者發菩
薩心是名攝取菩提此心有三種一與性不
相應行二朋友不相應三心疲極厭離有智

者是菩薩體性爲知此法有三障一修行不相稱二惡友人共住三與惡怨人共住此中惡人者愚癡凡人惡怨人者礙菩薩功德觀菩薩過失無迷者心不散亂有三障一顛倒麁失二煩惱等三障中隨一有餘三令成熟解脫般若未熟未滿無障者滅離諸障是名無障此爲三障一自性麁惑二懈怠三放逸菩提迴向有三障令心迴向餘處不得一向菩提迴向有三障令心迴向餘處不得一向菩提一貪著諸有二貪著有資糧法三下劣品心無怖畏有三障一於人不生信重心二於正法中不生願欲三如名字言語思量諸義無悲者有三障一不尊重正法二尊重利養恭敬三於衆生中不起大悲心自在者有三障因此三不得自在一無聞慧無聞者生起業惑正法灾故二聞慧少弱三者三昧事不成熟還復是此障善等諸法中十種隨一分作因依此義故應知障中何者爲十因第一生因譬如眼入爲眼識作生因

二住因譬如四種食爲一切衆生三持因如所持能攝持譬器世界爲衆生生世界四明了因如光明爲色五變異因如火等爲成熟等諸事六相離因如鎌等爲刈等七迴轉因如金銀師爲迴轉金銀令成鏃鉗八必比因譬如烟爲火等必比知九令信因譬如立證因分爲所立義十至得因如道等爲涅槃等諸果作因如是生障善處應知此應令生故住障者菩提處此不應壞動故持障者菩提攝取處菩提心能持故明了障者有智處此應顯了故變異障者無迷處迷轉滅故有變異相離障者無障處此障相離爲體故迴轉十助道品法處者

十一
竭九

障者迴向處菩提心迴向爲體相故必比障者無怖畏處爲不信故怖畏令信障者無嫉妬處於法不嫉妬令人信故至得障者自在處無所繫屬至得爲體相故偈言

處不明懈怠 三昧少二種 不種及羸弱
諸見麁惡過

念處者依處不明了爲障四正勤處懈怠四如意足處禪定少二種爲不圓滿欲精進心思量四種隨一不具足爲修習不具足滅資糧八法隨一不具故五根處不下解脫分善

法種子故力處是五根羸弱與非助道相類起故覺分處諸見過失見道所顯故道分處麁惡過失此修道所顯現故波羅蜜障者偈言富貴及善道 不捨衆生障 增減功德失令諸衆生入 解脫無盡量 令善無有間所作常決定 同用令他熟

此十種波羅蜜能生此法此法是波羅蜜果爲障波羅蜜果故是故顯說障波羅蜜檀波羅蜜者何法爲障自在增上障尸羅波羅蜜者障善道爲障羼提波羅蜜障不捨離衆生毗梨耶波羅蜜障增益功德損減過失禪波羅蜜者障受化衆生令入正位四十五心般若

竭九

土

正位

波羅蜜者障令他解脫漚和拘舍羅波羅蜜障檀等波羅蜜無盡無減爲迴向菩提故諸波羅蜜無盡無減波尼陀那波羅蜜者障一切生處善法中無間生起依願力故能攝持隨從善法生處婆羅波羅蜜者障善法決定事思擇修習力弱故不能折伏非助道故闍那波羅蜜者障自身及他同用法樂及成熟兩處不如聞言通達義故於十種地中復有次第障偈言

遍滿最勝義 勝流第一義 無所繫屬義身無差別義 無染清淨義 法門無異義不減不增義 四自在依義 此法界無明

此染是十障 非十地扶助 諸地是對治法界中十種義遍一切處等無染濁無明此無明十種菩薩地中次第應知是障非地助道故法界中何者爲十種義一者遍滿義依菩薩初地法界義遍滿一切處菩薩入觀得通達因此通達得見自他平等一分二者最

勝義依第二地觀此法已作是思惟若依他

共平等出離一切種治淨出離應化勤行三者勝流義因三地法界傳流知所聞正法第一爲得此法廣量三千大千世界火坑能自擲其中四無所繫屬義因此四地因此觀法愛一迴不生五身無差別義因第五地十種心樂清淨平等六無染清淨義因第六地十二生因處無有一法可染可淨如此通達故七法門無異義因第七地無相故修多羅等法別異相不行不顯故八不減不增義因八地得滿足無生法忍故若不淨淨品中不見一法有減有增故此中復有四種自在何者爲四一無分別自在二淨土自在三智自在四業自在在此中法界是第一第二自在依處八地中通達智自在依義因九地得四無礙辯故業自在依義因十地如意欲變化作衆生利益事復有略說偈言

已說煩惱障 及一切智障 十 是攝一切障

十三

盡彼得解脫

此二種障滅盡無餘故得出離解脫一切障障摠義者一大障是遍滿故二小障者一方障故三修行障者重惑四至得障平等煩惱五至得勝負障取捨障六正行障者是九種煩惱結七因障善等處由十種因義故八入真寶障者是助道障九無上善障者十波羅蜜障十勝負捨離障十地障攝集障略說有二種一解脫障二一切智障

中邊分別論
障品第二竟

中邊分別論真寶品第三

此品真寶應說何者真寶偈言

根本真寶 無顛倒真寶 果因俱真寶

細鹿等真寶 成就清淨境 攝取分破實勝智實十種 為對治我見

如是十種真寶何者爲十一根本真寶二相真實三無顛倒真實四果因真實五細鹿真實六成就真實七清淨境界真實八攝取真實九分破真實十勝智真實勝智又十種真

實爲對治十種我執應知何者爲十一陰勝
智二界勝智三入勝智四生緣勝智五處非
處勝智六根勝智七出勝智八諦勝智九乘
勝智十有爲無爲勝智此中何者根本真實
三種自性一分別自性二依他自性三真實
自性一切餘真實此中所立故三性中何者

端九

十三

名真實可信受偈言

性三一恒無 二有不真實 三有無真實

此三本真實

分別性相者恒常不有此相分別性中是真
實無顛倒故依他性相者有不實唯有散亂
執起故此相依他性中是真實真實性相者

有無真實此相真實相中是真實何者相真

實偈言

增益損減謗 於法於人中 所取及能取
有無中諸見 知常見不生 是真實家相
人等及法等有增益謗見有損減謗見不得
起爲知見此法故此法分別性中是真實相

能執所執增益損減謗見不得起爲知見此
法故此法依他性中是真實相有中無中增
益損減見不得起爲知見此法故此法真實
性中是真實相如是根本真實相說名相真
實無顛倒真實者爲對治常等顛倒故有四
種一無常二苦三空四無我此四云何根本
真實所立此中無常云何應知偈言

無常義有三 無義生滅義 有垢無垢義

本實中次第

根本真實中有三種性此性中次第應知三
種無常義一無有物爲義故說無常二生滅
爲義三有垢無垢爲義偈言

苦三一取苦 二相三相應

根本真實中次第三種苦一取苦人法執著
所取故相苦者三受三苦爲相故相應苦者
與有爲相應故有爲法通相故此三苦於次
第性中應立偈言

無空不如空 性空合三種

分別性者無別道理令有無有物是其空依他性相者無有如所分別不一向無此法不如有是空真實性相者二空自性是故說名自性空偈言

無相及異相 自相三無我

分別性者相體無有故是此無相是其無我

竭九

十四

依他者有相不如所分別不如相者是其無我真實性者是二無我是故自體是其無我如是二種根本真實中顯說有三種無常一如是二種根本真實中顯說有三種無常一無物無常二生滅無常三有垢無垢無常三種苦一取苦二相苦三相應苦三種空一無有空二不如空三自性空三種無我一無相無我二異相無我三自性無我果因真實此根本真實中應立何者果因苦諦集諦滅諦道諦云何根本真實得立偈言

苦相等已說 苦諦如前說

無倒真實中如三苦三無常等因此四無倒應知苦諦三種集諦應知何者爲三偈言

集諦復有三 熏習與發起 及不相離等
熏習集諦者執著分別性熏習發起習集諦者煩惱及業不相離集諦者如如與惑障不相離三種滅義故應知滅諦何者爲三偈言
體滅二種滅 塉淨前後滅

自性無生能執所執二法不生垢寂滅二種一數緣滅二法如如是三種滅一無體滅二二滅三自性滅道諦有三於二根本真實中云何得安立偈言

觀智及除滅 證至道有三

說道諦如是一者觀察分別性二爲觀察除滅依他性三爲觀察證至真實性如是此中

竭九

十五

爲觀察爲除滅爲證至故安立道諦應知麤細真實者俗諦及真諦此二諦根本真實中云何得立偈言

麤義有三種 立名及取行 顯了名俗諦

俗諦有三種 一立名俗諦二取行俗諦三顯了俗諦因此三義根本真實中應安立三種

俗諦次第應知偈言

真諦三中一

勝境諦者一真實性中應知此勝境云何真實偈言

一義二正修 三正得真實

義真實者法如如真實智境界故至得真實

者涅槃功德究竟故正行真實者聖道無勝境故云何有爲無爲法共得真實性所攝答偈言無變異無倒 成就二真實

無爲法者無變異成得入真實性攝一切有

爲法道所攝無顛倒成就故境界品類中無顛倒故成就真實者於根本真實中云何偈言安立成就者一處世俗成

分別性中得立是物處共立印定數習故因

此所立印定起世智一切世間人一處同一世智如此物是地非火此物是色非聲如是等此俗成就屬一性偈言

離名無體故 三處道理成 即三性

上品諸人於義於理中聰明在於覺觀地中依三量四道理中依一道理若物若事得成就此二名道理成就清淨境真實有二種一清淨煩惱障智境二清淨智障智境如是清淨智境真實偈言

清淨境二種 摄在於一處

一處者真實性云何如此無別性作清淨智境故三種根本真實性中五攝真實云何安立偈言

相及於分別 名字二性攝

如是相應依五種攝品類根本性中云何得

第十九 立相及分別依他性中攝名者分別性中攝

偈言

聖智與如如 此二一性攝

如如及聖智依真實性中攝三種根本性中分破真實云何得立分破真實有七種何者

爲七偈言

生實二性攝 處邪行亦爾 相識及清淨
正行真性攝

一者生起真實二相真實三識真實四依處
真實五邪行真實六清淨真實七正行真實
此中生起真實者於根本真實中在二處應
知分別依他性處知生起真實依處及邪行
真實亦如是根本性中二性攝相識清淨正
行四法一真實性攝此四種云何一性攝聖
境聖智所顯故勝智真實者爲對治十種我
見故說何者陰等處十種我見偈言

一因及受者 作者及自在 增生義及常
垢染清淨依 觀者及縛解 此處生我見

如是十種我邪執於陰等諸法中起爲對治
十種邪執故說十種勝智何者十種我邪執
一者一執二因執三受者執四作者執五自
在執六增上執七常住執八染者淨者執九
觀者執十縛解作者執云何十種勝智根本
真實中得立三種性中五陰等諸法如義道

理被攝故云何得在三性中偈言
分別種類色 法然色等三

色陰有三種一分別色色處分別性二種類
色色處依他性種類云何名依他此立五法
中體性不同故立別種類名色三法然色色
處真實性色通相故如色受等諸陰亦如是
及界入諸法如是三性中應等被攝故十種
勝智真實根本真實中應知如是已說爲對
治十種我見五陰等勝智五陰等義未說此
義今說偈言

不一及摠舉 差別是陰義
立陰義有三初立義者是陰名字有三義一

道路義二燒熱義三重擔義復有聚義是陰
義聚有三義一者多義如經中說若色過去
現在未來若遠若近若麤若細等經中廣說
此色多故名聚如是等色攝在一處此言顯
摠舉色等諸陰體相種種故更互無相攝故
說有差別此三義一多二摠三異是名聚義

聚即是陰義因此義相似世間中聚偈言能取所取取種子是界義

復有別攝名界界名顯何義顯種子義能取種子者名眼等諸界所取種子者色等諸界取種子者識等諸界偈言受塵分別用入門故名入

復有別法名入此中三受爲受用三受門故說六內入分別塵境及受用門故六種說外

入何者十二因緣義偈言

因果及作事不增損爲義

因果及事業不增益不損減義是名十二因緣義增益因者行等諸分別立不平等因故損減因者分別立無因義故增益果者行等諸分有我依無明得生如是分別損減果者無行等諸法從無明生增益事者無明等諸因生行等諸果時節分別有作意事損減事者分別無功用故因果事中離此二執此義無增益無損減應知十二因緣說偈言

偈九

不欲欲清淨同生及增上至得及起行繫屬他爲義

處非處有七種繫屬他義故應知此中一不欲繫屬他者因惡行若不欲沒入惡道二欲繫屬他者因善行入善道若不欲沒入善道三清淨繫屬他者不離滅五蓋不修七覺分

不得至苦邊際四同生繫屬他兩如來無前後兩轉輪王一世界中不得共生五及增上繫屬他者女人不得作轉輪王六至得繫屬他者女人不得作辟支佛及佛七起行繫屬他者已見四諦人不得造殺等諸行凡夫能造行故如多界經中廣說如是隨思擇根者二十二種因六義佛立二十二根復有六義何者爲六偈言

取住及相接受用二清淨

能取爲義故乃至二種清淨爲義故此六事中爲增上故說二十二法名根爲能取六塵事增上故眼等六法說爲根爲攝相續令住

增上乃至生死說壽命爲根爲處世相接續
增上說男女二根受用增上故五受說爲根
意等業被受用故世間清淨增上故說信等
五法爲根爲出世清淨增上故說未知欲知
等三無漏爲根偈言
果因已受用 有用及未用

偈九

九

復有別名三世如義相應果因已用故立過
去世因果未用故立未來世因已用謝果未
謝故立現在世偈言

受及受資糧 爲生被行因 滅彼及對治
爲此不淨淨

復有別名四諦何者爲四一者苦諦何法名

苦受及受資糧如經中說一切諸受皆是苦
受資糧受生緣根塵等諸法應知爲生被行
因何者集諦爲感諸苦一切邪行偈言

滅彼及對治 爲此不淨淨

爲此因果二法寂滅故說滅諦爲對治此二
名道諦因此出諦說不淨因此真諦說淨偈言

得失無分別 智依他出離 因智自出離
後有別名三乘如義相應應知涅槃及生死
功德過失觀智從他聞依他得出離因果故
立名聲聞乘因此智慧如前說自不從他不
依他行出離因果名辟支佛乘依無分別智
自出離因果是名大乘應知偈言

有言說有因 有相有爲法 寂靜義及境
後說無爲法

有別名有爲無爲言說者名句味等因者種
子所攝阿梨耶識相者世器身及所受用生
起識所攝心及取分別如此等法有言說有
因有相有相應法是名說有爲法此中說心
者是法恒起識相解相取者五識分別意識
世有三分別故無爲法者寂靜義及寂靜境
寂靜義者滅諦寂靜境者道諦如如此中道
諦云何得寂靜名此法若緣境界若顯果依
寂靜因此義五陰等十處聖智及聖智方便
說名十種勝智應知偈言

此十名真實

合真實義者若略說真實有二種一能顯真
實譬如鏡二所顯真實譬如影何者能顯真
實三根本真實所餘真實得顯現故所顯真
實有九種一無增上慢所顯真實二對治顛
倒所顯真實三聲聞乘出離所顯真實四辟

竭九

二十

支乘出離所顯真實五大乘出離所顯真實
因此鹿真實成熟衆生及法微細真實者解
脫衆生及法六諸說墮貳處所顯真實者依
正譬喻依正道理能令諸說墮下貳處七顯
了大乘所顯真實八一切種所知攝一切法
所顯真實九顯了不如及如所顯真實十我
執依處法一切義意入所顯真實

中邊分別論真實現品竟說

中邊分別論卷上

竭九

研魚辛堅恠上苦間反鑠音廉割
反良刃反鑠刃也刈魚吹反
鑠鉗上音還下昌知眼反又初
鑠戀反臂飾也鱉屬反通用
漚和上烏

中邊分別論卷下

天親菩薩造

陳三藏法師真諦譯

竭十

修習對治者三十七道品修習今當說此論

中初說偈言

心者我執種類
又云根塵識也

鹿行貪因故

種故不迷故

爲入四諦故

修四念處觀

由身故鹿行得顯現思擇鹿行故得入苦諦
此身者鹿大諸行爲相故鹿大者名行苦因
此行苦一切有漏諸法於中聖人觀苦諦受
者貪受依處思擇諸受故得入集諦心者我
執依處爲思擇此心得入滅諦離我斷怖畏
故法者不淨淨二品爲思擇此法離不淨淨
品無明故得入道諦是故初行爲令入四諦
中修習四念處所安立次修習正勤偈言
已知非助道 一切種對治 為上二種故
修習四正勤

爲修習四念處究竟故非助道黑法及助道